

小方壺齋

小方壺齋

亞西亞係東大洲內極東之一洲爲六洲中最大者佔東大洲陸地之半統計天下土地約佔三分之一
 南北闊約一萬五千五百里東西長約一萬六千五百里共計約三萬萬零一千七百萬方里 論地土
 在西比利亞阿爾太山之北至中華安南暹羅印度數國近洋海之處多有大平原除西比利亞平原之
 外各地土產甚多洲當中有幾帶山東西相連形勢高大至高者名希瑪拉山於衆帶山夾道之間有高
 平原本洲大河多由此地發源水向東南西北三方流入洋海 論天氣於阿爾太山以北極冷希瑪拉山
 以南極熱中段氣候溫和自蒙古至亞拉伯有一帶高平原雨水稀少土脈礪瘠 論物產山中金石甚
 夥因人不多知又兼國家不肯掘取故不及他洲多得金石也金石中最貴者三種卽黃金多出於西比
 利亞金剛石多出於印度珍珠多出於近海之地田產樣數極多惟茶葉香料多運售於遠處 論獸畜
 甚繁惟南方多有極大極猛之獸人所共知者卽虎豹獅象犀牛等類象力最大人能餵養馴熟使之運
 貨獸人上陣充軍又有鱷魚並極大之蛇 論人民約七萬萬以天下人民計之本洲約有一半居大清
 國者有三分之二居印度國者有五分之一此外惟日本國人多洲內東北兩方之居民屬蒙古利亞族
 西南兩方之居民屬高嘎西亞族麻喇甲士股與東印度之島居民屬瑪雷族各地人民性情不同有深
 明禮義者亦有化外之人也 論大城惟大清印度二國最多極大之城有三一屬中國之北京次屬廣
 州城再次屬日本之東京 論國政多半君權極大律法綦嚴 論教事于東南兩方惟釋教爲大又有
 許多假神教其內有中國之道教日本國之神道教印度國之伯拉滿教於西方各國奉回教者多於
 西比利亞土耳其三國之中有數百萬奉基督教者除亞拉伯阿弗干備魯支三國以外各地有人播傳
 耶穌教且在多處日見昌隆凡天下有名之教皆由此洲興起聖經所載之事亦多出於此洲

俄羅斯屬分兩處一名西比利亞一名庫支亞 論西比利亞在亞西亞北自太平洋起至歐羅巴止約五千四百萬方里佔據亞西亞地土三分之一有奇西南兩面有高山爲界東面亦有大山餘皆平地北方地土窪下多有被水淹沒之時 論天氣因南界山高遮阻南風故極冷北方尤甚且北方地窪堅凍深厚終年不化難以耕種除東南隅地土之外各處又少雨露緣此二故地土多半瘠瘦惟南境附近河水之處滋潤肥美 論物產有挖取金銀寶石者於南方多有樹木中多野獸故皮料甚多銀鼠貂鼠等皮亦復不少 論人民約八百萬多居南方大半由俄國遷來者多處于城市之間其人規矩禮儀雖似歐民畢竟遜於歐洲其地土人不達禮義多以獵獸捕魚謀生少有牧畜種田之人國民之衣食緣天氣寒冷多食肉腥多衣皮裘有時外出用犬鹿拽牀行於雪地於人烟稠密之處設立書房使人學習文藝 論大城東省有耳古資中省有盾斯革西省有多波勒斯其外附近蒙古地界有恰克圖城生意茂盛於西南方有撒瑪干城買賣亦甚興隆 論國政分東中西三省各有巡撫治理法律森嚴 論教事由俄國來者盡奉希利尼教本地土人多拜鬼神亦有奉希利尼教者西南方人多奉回回教 論卓支亞又名高嘎西亞在亞西亞西黑海嘎斯下海之間約一百一十萬方里 論物產多出五穀果品蜂蜜棉花絲羊毛等物人造之物地毯綢緞最多 論人民約五百五十萬半係土人半由俄羅斯阿米尼亞猶太等處移來該土人身軀高大氣足力強勇而善戰婦女之輩容貌俊秀可鄙者常將幼女鬻諸土耳其波斯二國爲奴爲妾 論事業以種田爲大業其次與俄士波等國交易人造之物亦復不少 論國政由俄國皇帝簡放巡撫統轄此地本國百姓仍分部落 論教事本地土人盡奉回回教由別國移來者多奉基督教與猶太教

西域取省土在西比利亞之西南約二百萬方里東南兩面有高山爲界故河水向西北兩方流入嘎斯

卡海地多平坦與西比利亞大平原相連而北方多有鹹湖沙漠 論天氣有時甚冷有時甚熱少見雨露地土礮瘠惟東方附近河水之處潤澤肥美 論物產多棉花絲羊毛五穀果品大黃人參等物人工所造綢緞哈喇最多 論獸類有虎豹熊鹿牲畜多有羊駱駝快馬 論人民約四百萬分許多族類各處語言不同性情狡猾多有背律之人數年前異邦人來此不得安居久住緣有多人勒逼伊等爲奴故也 論事業多以遊牧爲生亦有種地之人大抵居于城市者頗通禮義設立書院傳人學業日進古時人民禮義中節生意興隆因而立爲大國 論大城至大者名波嘎拉居民約有十萬次有基法大城 論國政百姓分開部落衆部落又合爲二國一名波嘎拉一名基法邇來曾被俄軍攻敗伊等以古爾阿尼經爲國律治民森嚴 論教事多牽回教者且有熱心遵守教規崇奉假神教者甚少

土耳其國多半在亞西亞洲少半在歐羅巴洲 論亞西亞洲內之土耳其佔據亞西亞西界之地約六百六十萬方里於西北兩方多有山嶺故國中河水盡向東南流入波斯海股附近海岸之處皆大平原山嶺之間地面高平 論天氣各處寒暑不同有處極熱又因多山有處甚冷地土多半腴美惟少見雨水之地甚覺礮薄 論物產多棉花五穀粟咖啡煙葉無花果鴉片煙等物人工所造有綢緞地毯 論本

國所據之地古時有數大國修造多城聖經所載之事蹟多出於此卽建築城垣亦由此而始興焉昔年於國之南有兩座大城一名尼尼微一名巴比倫於黑海南阿米尼亞境內有著名之國度在地中海與黑海之間有土股名小亞西亞曾立數國靠近地中海有推羅西頓二城生意懋盛廣聚資財內地有大馬色城買賣亦甚興隆此城至今猶在爲天下第一極古之城又有猶太地事關緊要故另記一篇云 論人民約一千六百萬土耳其基人有三分之一餘係希利尼阿米尼亞亞拉伯三族人各處語言文字族類不同互有分爭據土耳其基人原居于西域蒙古西比利亞等處其性好鬥前數百年間勝獲亞西亞西

界之地與歐羅巴東南方數國之地因而威聲大振近來三百年間伊等權勢漸減 論事業因盜賊蜂起民遭塗炭雖有務農者亦不得安然度日行遠路者必須結夥成羣造物開礦者寥寥無幾亦未有用資本立業謀生者畏其不能久長也凡與鄰邦通商交易多靠外人經理在城市大村雖有書院然識字者不多又固古爾阿尼經上戒酒故飲酒者雖少而吸食鴉片與葉子煙者卻有多多可厭者即富足之人多娶妻妾 論大城在歐羅巴內之土耳其有根斯日第挪伯京城在亞西亞內之土耳其有士每拿

大馬色巴革達德等城附近地中海有備魯德城生意興隆 論國政君權無限概以古爾阿尼經爲本

律國內大員由君簡放官多貪索賄賂近來與英國立約英國保護土國土國應許改除虐政 論教事土耳其人與亞拉伯人奉回教希利尼人奉希利尼教阿米尼亞人奉阿米尼亞教數十年來有人至此傳耶穌教現今有數萬人信奉歸服回憶前數年回教人不敢歸入基督教會因彼律註明若有改奉別教者例應處死近日改定新章准人隨意信教並不禁止

猶太

又名巴勒斯那又名聖地

第 在土耳其國西南境內南北長約四百里東西闊約二百里在耶穌降世之先分爲

四省一名猶太一名撒馬利亞一名加利利一名比利亞國內并無極高之山卻多山地東界有約但河挨近河濱之山谷比海岸低下數十丈東南方有死海海水沉重其味極苦極鹹一切鮮分之物不能生活 論天氣和暖雨露頗多其先地土腴美後則變爲瘠瘦是緣神罰其入而并罰其地焉 論物產多

五穀果品果實中惟葡萄橄欖無花果最多山嶺之上多有橡樹與柏香樹 論人民於三千年前主選

猶太人在此開國立業蒙主護庇大顯權榮迨救主臨世宣播真道捐軀受死代人贖罪無如猶太人頑梗自恃厭棄耶穌主將伊等散居于天下現時計散居之猶太人數約五百萬其人善於籌畫利益己身雖遭逼迫逃至他方亦能立業營生大發財源居猶太人數約三十萬較比當年減二十倍且多半是

亞拉伯人本猶太人不過兩萬因受官長勒索賊匪擾亂以致貧窮 論大城當猶太人自主之時以耶路撒冷城爲京都內有大主聖殿十分華美壯觀至今城內約有三萬五千人居住其中本猶太人約一萬五千又有大海口城名曰乍法

亞拉伯係亞西亞西南界內之土股約一千一百萬方里 論地勢少有山嶺地面坦平有數條小河水多流入沙漠滲透地中而立得其潤也 論天氣極熱少見雨水地多沙漠實屬磽薄惟東南西南兩隅

與中央之處有大段肥田 論物產多咖啡穀子藍靛金絲裘珍珠樹膠各種香料 論牲畜多有駱駝

供人使用又有快馬各國人來爭先購買綿羊山羊多難計數 論人民約五百萬於耶穌後六百年來

回回教首穆罕麥德建生嗣後本地百姓半多信服所立之教自此舉兵勝獲亞西亞之西方亞非利加

之北方歐羅巴之南方等處隨地逼人歸教或擄人爲奴後被歐人驅出境外伊等遂住在亞西亞之西

方與亞非利加之北方遺下後裔至今猶存論亞拉伯人分兩等一等人處于城市大村務農爲商者多

學習工藝者少一等人居住帳幕以游牧爲生頗好施捨厚待賓朋然遇行旅輒起盜心劫掠財物當年

國人深明禮義作書讀書者甚衆文字亦傳行遠方至今天下奉回教之人概以其國文字爲聖用近

千數百年間國勢衰弱亦不多容外人遷來落戶 論大城俄滿國京城名末斯噶德與鄰邦多有交易

民風善于他方更有內遮德國之京城名利阿德有美噶城又名滿開因穆罕麥德生于此城故回教

人稱爲聖城每歲有數百萬朝聖客自遠方來齊集禮拜有美第那城中有穆罕麥德之墓西南方有大

海口城名阿典凡由歐洲運往印度中國之輪船俱於此處停泊北方有西乃山古昔天主授摩西十誡

卽在此山也 論國政亞拉伯人雖係同族畢竟未成一統分許多部落邇時附近紅海之地有美噶美

第那二城被土軍攻敗歸土國治理亞拉伯境內所立之國俄滿與內遮德兩國爲大俄滿國君兼管亞

拉伯東南方與東亞非利加幾處大地 論教事咸奉回教

波斯在土耳其基東喀斯下海與波斯海股之間約五百七十萬方里南北三面多山東面與內地多高原山中有鹹湖小河水流入喀斯下海與波斯海股 論天氣平地極熱貼近波斯海股尤甚且多瘴癘使人易生病焉其地因雨水稀少又多沙漠土脈瘠瘦獨近山之處天氣溫和多雷雨露滋潤肥美 論物產多銅鉛鍊麥子白米棉花茶葉鴉片煙等類 論人民約七百萬分爲兩等一等人住城市大村或務農或爲商或學工藝作工者善製香膏香水地毯綢緞凡造物與開礦之事不用機器盡賴人工與印度并歐洲數國交易往來運貨水路借西國船隻運行陸地借亞拉伯駱駝負載少有本人親理其事者也國民性情靈敏頗知禮義惜其心存詭詐而且惰于作工又因拘于古爾阿尼經卷不讀他書所以雖有大小書院然少博學之人第二等人係亞拉伯土耳其阿弗干三族人皆以遊牧爲業昔年此國人事成強威權大振四遠知聞不似今之敗落也 論大城有德蘭京城生意十分昌盛達伯利斯城與西北各國多有貿易伊斯蘭罕城乃極古之城先年爲京都居民約四百萬如今居民不過六萬內有許多禮拜寺及大小書院又有大海口城名布些 論國政君權無限統轄臣民官長多貪賄賂勒索百姓近日國中亦修鐵路安設電線 論教事回教爲大外有猶太教天主教阿米尼亞教景教數百年前曾有景教人由該國至中國及他國傳道設立教會近於國內信奉耶穌教者已有幾千人矣

阿弗干在波斯國東約二百五十萬方里地勢高平河少山多天氣極熱雨水稀少土脈瘠瘦惟幾處山谷之地稍爲肥美 論物產出金銀銅白糖五穀蠶棉花藍氈羊毛人造之物有地毯袈裟布 論人民約四百萬其人身偉力大性剛好鬥優待賓朋通文識字者少講道解律等事則惟阿蘭專主 論事業牧畜爲大業附近肥田多有農人有與印度波斯西域通商者凡亞西亞西地數處與印度往來交易多

由此經過 論大城有噶布勒干達哈赫拉德 論國政分許多部落各有首領遇有細故首領可以自
主倚案情較重者須歸國王治理 論政事悉遵回教

備魯支在阿弗干南約一二三十萬方里地勢高平多山多沙漠大熱地瘦物產無多 論人民約二百
萬容貌性情與阿弗干人相類 論事業多以牧畜爲生棲止帳棚少居城市者亦少讀書之人也 論
大城有革拉德 論國政分許多部落統歸革城大首領轄制 論政事悉遵回教

印度又名天竺在亞西亞洲正南界內約一千三百萬方里北以高山爲界其內有兩塊太平原兩道大河東
南西兩兩界貼近海岸各有一帶大山兩帶山之間地勢高平 論天氣窪處甚熱高處溫和平地土肥潤

論物產出金銀銅鐵煤礮金剛石白米棉花藍靛鴉片煙白糖各色香料木料人造之物綢緞細布甚
多 論活物有虎象犀牛鱷魚大蛇等類 論人民約二萬萬零四千萬中有五萬係由歐洲移來本印

度人分許多族類伊等身小面黑多以白米爲食民分四等一祭司又名伯拉滿人二兵丁三農桑四工役彼此
不相交際各等身分父子傳襲大抵皆循規蹈矩以農爲大業而工商次之國初百姓深知禮義人事盛

強後因列等分業之風又因各國之君殘暴無道互有分爭以致國計民生日見窮蹙矣迨英人到此爲
之開鐵路修電線設立書房教育人才近於徧處多有義塾買賣豐盛民間財用勝似先年 論大城京

都名噶勒革達居民約六十二萬多有外國商船雲集百貨薈萃城爲富盛之城也附近海口有二大城
一名孟買其內居民約七十五萬一名瑪德拉斯貼近恆河有笨阿勒斯城伯拉滿教尊之爲聖城教中

博學者多居于此內有大廟一千餘座又有德利城古時爲大國之京都 論國政原分許多小國各國
君臣皆殘忍性成虐待黎民今則統屬英國節制英王簡放總督駐劄噶勒革達京城將國分爲三省每

省有巡撫鎮守大約全地四分之三歸英員治理四分之一歸本地君臣自主自主之地遇有案情重大

小方壺齋興也叢抄 卷十二 地理志略四 南洋河玉氏謹版

者須會同英員商辦 論教事伯拉滿教爲大所拜之大神名伯拉瑪餘者神名不一禽獸昆蟲等像無數凡欲縱情作惡者則祈神助之釋教亦由此而興信奉者甚衆回回教人不過有十分之一近日多人來傳耶穌道業有數十萬人歸服設立天主教會與耶穌教會 論西倫海島貼近印度約二十萬方里人民約三百萬其物產規矩風俗教事咸與印度相若亦屬英國治理

緬甸

又名布耳瑪

在印度國東約一百六十萬方里有幾帶山南北綿連中央幾道大河水向南流天氣炎熱

地脈膏腴

論物產多出金石煤米寶石之中琥珀極佳穀粟之類白米最多又有煙葉藍靛甘蔗棉花

木料多將烏木紅木香松船料運到他國發售人造之物有布疋綢緞但織造之法粗而不精 論獸畜

甚夥有馬僅爲人乘之他如種田駕車負載諸工概用耕牛 論人民約四百萬分布耳瑪珊噶連等族

有權位者布族人也伊等身矮力壯面黑貪食檳榔煙葉性情詭詐誑語欺人博於文藝者甚少凡設帳

授讀之師盡係僧人珊及噶連人與中國邊疆之苗蠻相似 論事業農爲大業工商次之與鄰邦通商

用外國船隻 論大城滿德來爲京都阿法城係先年建都之城又有阿瑪拉布拉城貼近雲南邊界有

巴摩城大都赴中國交易者俱由此處經行 論國政律法明正無如國君官長貪婪太甚過於擾累百

姓 論教事當初悉奉佛教有一至大之佛名喬答摩即華稱釋迦牟尼近有數萬人歸依耶穌教會多

半是珊噶二族之人也

暹羅在緬甸西南約二百五十萬方里北方多有高山內地有幾道大河每歲數月之久其水淹沒澤地

全國于臘豐厚落水之處尤其肥美 論天氣甚炎熱一年分濕時乾時雨季 論物產金石甚夥白米

玉米甘蔗花椒煙葉棉花竹子果品多有販運白米至中國與他國售賣 論人民約六百萬暹羅人最

多中有華人數十萬又于南掌地多有佬子人居住伊等與緬甸之珊噶連人相類暹羅人以農工爲業

文風禮義視緬甸安南稍勝狃子人亦多習農工而禮義不若暹羅華人多居於城內以貿易爲業卽本國之生意亦多歸華人經理 論大城邦革爲京城居民約五十萬中有華人十萬生意極多 論國政律法由君所定君權無限先時虐遇百姓年來剔除舊制改立新章寬待國民狃子人分部落互相結盟有一首領駐劄港邁城統受暹羅王轄制 論教事悉奉佛教多拜喬答摩狃子人敬拜鬼神奉基督教者甚屬寥寥

安南

又名越南

在暹羅東約一百五十萬方里北方多山嶺西方有瀾藏江爲極大之江也 論天氣與暹羅

緬甸無異地脈腴美惟西南界地土不佳 論物產出金石白米棉花薑檳榔香料木料顏料等類獸畜

與緬甸暹羅相同 論人民約二千一百萬伊等身小面黑其狀畧似華人 論事業農爲大業次有捕

魚獵獸開礦者所造之物粗而不精雖有河海口岸然少與鄰邦交易其交易之事多半託賴華人讀書

者甚少而禮義不及暹羅也 論大城京都名順化又有交州城 論國政君權無限國分二省北爲東

京南曰占城 論教事多從佛教然拜佛之心不虔虛應故事而已有奉天主教者近來常遭逼迫

下安南又名哥真先在安南之內近時新立爲國約二十萬方里人民約一百六十萬天氣物產人事大

都與安南相類京城名西岸居民約十二萬與鄰邦交易常有外國輪船出入國政屬法國轄制

下安南之西北有一小國名真臘又名東浦寨約三十萬方里人民約一百萬每歲與下安南進貢

麻喇甲在暹羅南約三十萬方里有一帶山南北接連河溝狹小天氣極熱地土豐肥 論物產出金馬

口鐵花椒香料樹膠等類 論人民約六十萬係瑪雷族人伊等身矮面黑性情凶悍貌視律條多於海

面爲寇行劫者也 論政事分數小邦有兩處歸英國所屬內有一大城名星嚨波買賣豐盛人數日見

增多 論教事多奉回教奉耶穌教者間或有之

日本在中國東北係眾海島合成一國約一百八十萬方里多有小河山土地又多火山地震頻仍 論天氣南方和暖北方冬日嚴寒地土肥厚 論物產出金銀銅鐵煤白米茶葉人造之物有綢緞漆器磁器等類 論獸畜稀少有幾種牲畜係近年由他國帶來 論人民約三千四百萬容貌衣食畧似華人其耕穫殷勤造物靈敏次則以捕魚貿易爲業各處設立學堂比亞西亞諸國讀書者多其書籍多由本國作成文字半用本國半用中國並有從中國運至之書數年以來又習西國文字及諸般藝業 論大城京都名東京又名也多居民約一百萬西京城爲昔年建都之地又有大阪與幾座海口城 論國政起初君權無限律法彌嚴不容外人入境近來革其舊制條例從寬准外邦人寓於幾處海口且添設書院廠路廠郵政局銀錢局開礦修鐵路安電線其國事蒸蒸日上民產漸漸豐足矣 論教事以神道教爲國教而釋教次之先逼迫基督教會今也不然准其立堂傳道且信從者日見增多

高麗

又名朝鮮

係中國東北之一土股約一百萬方里中央有一帶山南北相連北方山多地土瘠瘦南方山

少地土肥美天氣溫和

論物產出人參麥子布疋紙張金鐵馬口鐵等類

論人民約五百萬多居於

南方所衣之衣卽中國前朝之服制其人身矮而壯容貌端莊多讀中國之書籍而言語卻與華人不同也 論大城京城名京畿道 論國政每年獻貢於清皇與他國素無來往近于光緒元年始與日本立

約通商

論教事遵從儒釋兩教先時天主教傳來有信奉者多遭逼迫

大清國在亞西亞洲東界之內約四千一百萬方里佔據亞西亞洲地土四分之一有奇內有所屬之滿洲蒙古伊犁青海西藏等處境內有崇山峻嶺高低平原廣闊沙漠之處東西相連有四帶大山許多河道極大之河一道名黃河大江二道一名洋子一名黑龍十八省內湖少青海界內湖多 論天氣各方雖有分別然無極熱極冷之處十八省內土脈大抵腴美其所屬之地而肥磽不相同也 論物產金石

均有不多挖出土產良多入所需用之物罕有闕焉獸畜凡溫道所生者大概莫不有之 論人民約三

萬萬零二千萬分中華滿洲蒙古西藏四族其容貌性情規矩事業迥乎不同獨中國人多識禮義亦多
移居遠邦也 論大城京師名北京其外各城茲不備錄 論國政君權極大百姓尊之爲國父文武大

員而外他人不得一覩宸顏國內職官甚多品秩攸分京員最尊者卽中堂學士府尹尙書外官至大者
文則總督巡撫武則將軍提督其內外大小臣工或陞或降權在皇帝一人凡居官者咸由讀書而獲上
進無如有人皆孔孟之道只圖漁利肥己不念國計民艱大清律例大都合宜允當惟滅門滅族凌遲處
死及諸般拷問之刑而西國未之有也 論教事儒教爲大釋教次之道教又次之回回教人在各地皆

有又有傳基督教者道理亦頗興旺 滿洲 在大清國東北界內約五百萬方里有幾帶山極大者名內興

安嶺湖少河多貼近北界有至大之江名曰黑龍 論天氣甚冷冰霜終年不斷南方土脈肥美 論活

物因有廣大樹林中多野獸並有大鳥名雕善攫魚類爲食各種牲畜甚夥 論物產出大黃人參珍珠

五穀豆子皮貨木料等類 論人民約五百萬以獵獸牧畜耕田爲業又因係清皇之親族多有充兵應

役者也 論大城有奉天府是盛京省城內有皇宮及各衙署先時爲清皇建都之地次有吉林省城卽

名吉林城黑龍江省城名齊齊哈爾又有黑龍江城依近江畔有牛庄城生意亦覺繁盛 論政事滿洲

分三省名盛京吉林黑龍江清皇簡派盛京將軍及奉天府尹五部侍郎等官治理三省之政吉林黑龍

江亦各有將軍 論教事原奉佛教近在二百年間又多習儒教 蒙古 在滿洲之西約九百萬方里有幾

帶山多是東北西南相連多有山谷地勢大概高平 論天氣比滿洲雨少風多地土肥礮不等有大沙

漠地名曰瀚海 論獸畜野獸頗多牲畜有駱駝馬牛羊等類 論人民約八百萬皆以遊牧爲生伊等

身矮而健面色微黑昔年勇猛好戰勝獲亞西亞歐羅巴兩洲大地其風俗規矩與中國迥異並無國寶

通流彼此買賣以貨易之完納稅課悉用物產食則肉腥飲則牛油爛酒所衣之服多用獸皮善於騎馬捉捕野獸行事粗俗禮儀不周至若語言文字更與華人不同也 論大城省城名庫倫又有買賣城與

俄屬之恰克圖城相對 論政事分許多部落有四十八家蒙古王各司其地有一大喇嘛尊榮無比清

皇簡放辦事大臣住庫倫城總理蒙古之政 論教事成奉佛教極有熱心喇嘛甚多廟宇不少 海在

中國正西約二百四十萬方里多有山嶺湖河人民約一百萬大半係蒙古族人其性喜好游牧雖有美

田亦不以稼穡爲事又有華人與西域土耳其族人遷來落戶清皇選派大員住甘肅西甯府統轄斯地

^{伊犁}在蒙古之西約五百萬方里中有大山爲界山北謂之北路山南謂之南路南路風多雨少地土磽

瘠惟靠山河之地稍爲腴潤北路多有湖河較南路地土頗爲肥美 論物產出寶石金銀硫磺硝五穀

煙葉果品牲畜馬牛羊甚夥 論人民約三百萬多半係土耳其基族人性情浮躁凶悍不仁 論大城北

路伊犁城又名惠接爲省城南路喀什噶爾貢爾羌二城皆與鄰國通商貿易 論政事清皇簡派將軍

住伊犁城喀什噶爾二城亦各有大臣由同治十三年南路喀什噶爾城人民背叛僭立成國名喀什噶爾國

清皇屢興討罪之師邇來始得克復 論教事多奉回教 藏西在大清國西南界內約五百萬方里四

周峻山環遶中有山谷與高平原雨露稀少地土不佳湖河最多有幾大河由高平原發源流至遠處有

一雅木魯克海中起島嶼其上有大寺院威嚴雄壯華麗異常 論物產出金銀珊瑚碼瑙麝香黃薑牲

畜多牛羊其絨毛甚細 論人民約三百五十萬其容貌風俗半是蒙古人半是印度人性情柔和不喜

爭鬥依戀故土不肯遠移衣則紅黃二色食則牛羊等肉牧畜者多務農者少雖以讀書爲重然而學業

禮義不若華人 論大城省城名拉薩居民約五萬內多寺院有一大喇嘛名曰活佛故喇嘛教人尊此

城爲聖城無論男婦老幼每遇活佛經過則脫帽頂禮拜訖侍立一旁以示尊敬之意也 論政事清皇

簡派大臣治理按期進貢 論教事悉奉喇嘛教熱心遵守教規云

十八

在大清國東南界內約一千

四百五十萬方里中有南嶺北嶺將地分爲三段每段各有一道大水有江有河自東北界至中央有大平原長二千五百里闊約五六百里國之北方海岸低下南方附近海岸有磐石高山海島國內湖少河多有一大江名洋子其內大船可行二千五百里路之遠小船可行五千里路也又有黃河水流甚急不得行船且常溢岸外淹沒兩旁之地 論天氣北方和暖三季雨少一季雨多南方冬暖夏令極熱比北方多見雨水貼近海岸之處每有狂風遽作吹壞房屋船隻 論物產樣數極多惟茶葉綢緞棉花藥材磁器等物多運于外國其買入國中者白米鐘表象牙玻璃哈喇大呢洋布木料馬口鐵至若鴉片係洋商由印度販來是物禍人非淺不可不戒也 論人民約三萬萬其容貌性情規矩風俗各方大同小異

華人以外於京都及各省城皆有滿洲人駐防護守由唐朝有亞拉伯人來入中原傳下後嗣現今散居各方在海河口岸有外國人旅寓通商於南方山野之地有苗蠻居住其人不達禮義形狀大與華人不

同 論事業民分四等曰士曰農曰工曰商他若漁人獵戶牧子樵夫大都隨地有之南方多修河道北方多開旱路行人來往南方多用轎船北方多用車馬罕有輪船並無鐵路一經雨水泥濘難行以故運轉貨物多費人力錢財與鄰國交易多用本國之船隻與遠邦通商概用外國之輪船人民咸以文學爲貴故有力之家無不讀書者祇緣少立義塾而貧寒子弟多有目不識丁國人多泥於古時學業文藝不

思立異標新故而人事不見前進也已 論大城京都名北京居民約一百萬城分內外內城滿洲人多

內有皇城皇城之內又有禁城皇宮在禁城之內名爲禁地除當值人員之外俱不得私行擅入也外城多有民人居住有時多來蒙古人貿易又有西藏人高麗人並靠近幾國進貢者均可住於城內著名之

處有天壇地壇爲皇帝獻祭之所京西圓明園爲皇帝遊玩之地廣州府城居民之數與北京不相上下

爲倡首與外國交易之城也上海城居民約八十萬近來二千年間人數增添買賣繁懋往來商船陸續不斷福州府城居民約六十萬文風甚盛因與內地不易通行而外邦貨物少有到此蘇杭二城爲古時著名之城民豐物阜近因洪秀泉作亂多被毀傷景象雖不如前然而居民尙衆生意漸復興隆天津府城居民約五十萬而中外船隻雲集大小商賈畢至百貨齊聚廣儲鹹鹽凡北省與蒙古所需之物大半由此經過南京城居民甚衆爲先時建都之地因洪逆蹂躪擾物事不及當年內有一座寶塔周圍鑲以五色琉璃瓦片華彩映日信可觀瞻漢河與洋子江匯合之處有漢口武昌漢陽二城共計居民之數約二百餘萬其外大小城邑姑置不錄 論國政分十八省每省上有督撫下至州縣一切大小職員各有專司倘遇緊要事件由下而上稟報督撫督撫繕摺具奏候旨施行 論教事蒙古西藏咸崇佛教十八省內儒教爲大雖多有拜佛者然不似蒙古西藏之熱心也西北西南兩方多回回教於梁朝時曾有景教人來宣播耶穌聖道元朝時有天主教傳來至今有數十萬人信從耶穌教傳來約七十年現在信奉者有二萬人 東北四省 名直隸山東山西河南 論直隸省半在萬里長城之外多有蒙古人居住西北一帶地多山嶺其餘地勢平坦土脈膏腴他如薄碱沙窪之田不多有之物產出煤鐵漢白玉麥子高粱玉米豆子果品等類本省有總督治理半年住於保定半年居於天津省內有三大城名北京天津保定 論山東省西邊地土平坦東邊山嶺極多中有泰山爲最著名之山其物產大抵與直隸相若此省爲孔孟生身之處大有聲名 論山西省毗連直隸多有山地物產出煤鐵漢白玉等類行山路者多用牲口少有車輛附近黃河汾河之處地土平坦豐肥 論河南省居民甚眾地土平肥物產出棉花麻五穀等類人民屢受黃河水漲之害曾有一次三萬人被水淹沒省城開封府爲古時建都之地現有數百猶太人居之此三省各有巡撫治理 東五省 名江蘇安徽江西浙江福建 論江蘇安徽二省湖少河多地

勢低平爲中國最美之地物產出棉花茶葉絲磁器綢緞縐紗紫花布等類省內富戶眾多生意茂盛以上所論上海南京蘇州等城之外有江蘇省之鎮江城安徽省之蕪湖城俱依近洋子江以外多有城邑安徽省內之新安爲朱子鄉貫頗有名望總督住在南京統轄江蘇安徽江西之政 論江西省多有山河地土腴沃物產出細磁五穀絲棉花茶葉白糧藍靛樟腦漆木料等類 論浙江省地土平肥物產出白米茶葉綢緞錫器磁器紙筆等類靠近上海有普陀島其上廟堂甚多僧人不少以上所論杭州城之外有甯波城近臨海口多有西商來此貿易 論福建省山嶺不少物產出茶葉白糖果品與人造之物類人民性情剛勇惜有溺女之風誠爲極陋之俗也有一島名臺灣爲本省之一府該土人性情粗野或謂卽瑪雷族人幸有華人移居于此伊等感其風化漸知禮義矣大城有漳州府居民約八十萬又有廈門緊貼海口多有外國買賣總督住福州府治理浙閩之政 南四省 廣東廣西雲南貴州 論廣東省

北多山嶺南多平地物產出茶葉絲白糖果子檳榔等類更有許多人造之物人民性情剛勇移居遠國者甚衆內有海南島爲本省之一府臨近海濱有香港島於道光年間業歸英國英人設立義塾多有華人子弟習英文與西國諸般學業在澳門島有葡萄牙人居之以上所論廣州城之外依貼海口有汕頭城爲商船停聚之處總督住廣州府治理兩廣之政 論廣西省山多比廣東人數較少物產出金銀水硯桂皮木料等類北方多有苗人在梧州府爲本省至大之城也 論雲南省山多西南與緬甸連界多有交易賣於國外者惟茶葉絲水硯紅銅最多本省回回教人甚夥總督住雲南府治理雲貴之政 論貴州省山多地工瘠瘦物產出銅鐵鉛五穀烟葉桂皮等類於山野之處多有苗人各分部落常相爭鬥不知守分安常 中二省 湖北湖南 論湖北省河多地美近臨湖河之處尤其肥潤物產出棉花絲茶葉綢緞布疋紙張等類總督在武昌府治理兩湖之政 論湖南省南方多山北方地勢平坦近臨洞庭

小方壺書與也叢沙 卷十二 地理志略八 一 南清河王氏鐫版